



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მიქაშავიძე არკადი (აკაკი) ნიკოლოზის ძე



მიქაშავიძე არკადი (აკაკი) ნიკოლოზის ძე (10. IV. 1876, ქუთაისი, – 1971, იქვე), სამხედრო მოღვაწე, გენერალი (1920). დაამთავრა ქუთ. საქალაქო და თბილ. იუნკერთა სამხ. (მე-2 თანრიგით) სასწავლებლები. 1894-იდან იყო სამხ. სამსახურში: მსახურობდა ვარშავის სამხ. ოლქში, პიატიგორსკის 151-ე ქვეით პოლკში, 1904-15 – სასაზღვრო უწყებაში, ამურისიქითა ოლქში, 1915-იდან – დაღესტნის მე-2 ცხენოსან პოლკში. იყო რუსეთ-იაპონიისა (1904-05) და I მსოფლიო (1914-18) ომების მონაწილე. 1917 მიენიჭა პოლკოვნიკის წოდება.

ა. მიქაშავიძე

1918-21 მსახურობდა საქართვე. რესპუბლიკის ჯარში.

1920-21 იყო თბილ. სამხ. კომენდანტი. საბჭ. რუსეთთან ომის დროს, 1921 მარტში საქართვე. ჯარების ქუთაისიდან ევაკუაციისას მეთაურობდა ლეჩხუმის მიმართულებით მოქმედ დაჯგუფებას. 15-16 მარტის შეტაკების შემდეგ მ. და მისი შტაბის წევრები ტყვედ ჩაუვარდნენ თრუსოს ხეობაში შემოჭრილი მოწინააღმდეგის მეწინავე რაზმს ბადილა გაგიევის მეთაურობით. ომის შემდეგ მ. სამხედრო სამსახურიდან გადადგა. ცხოვრობდა და მუშაობდა ქუთაისში.

დაჯილდოებულია წმ. გიორგის ოქროს იარაღით „მამაცობისთვის“, წმ. სტანისლავის, წმ. ანას, წმ. ვლადიმირის სხვადასხვა ხარისხის ორდენებით.

ლიტ.: გოგითიძე მ., ბეჭითაშვილი გ., სამხედრო ფიცის ერთგულნი, თბ., 2015; საქართველოს დემოკრატიული რესპუბლიკა (1918-1921), ენციკლოპედია-ლექსიკონი, თბ., 2018.

მ. გოგითიძე
